



ADMINISTRACIÓN LOCAL MUNICIPAL MUGARDOS

Adicacións, dietas, asistencias de membros da corporación e asignacións aos grupos políticos-emenda de erros

ANUNCIO

ADICACIÓNS, DIETAS, ASISTENCIAS DE MEMBROS DA CORPORACIÓN E ASIGNACIÓNS AOS GRUPOS POLÍTICOS.

Polo Pleno da Corporación, en sesión ordinaria celebrada o día 30 de agosto de 2023, procedeuse a emendar os erros padecidos no acordo adoptado polo Pleno en sesión extraordinaria realizada con data 05.07.2023 “5º.- INTERVENCIÓN.- ADICACIÓNS, DIETAS, ASISTENCIAS DE MEMBROS DA CORPORACIÓN E ASIGNACIÓNS AOS GRUPOS POLÍTICOS”, quedando redactado o citado acordo, unha vez subsanados os erros padecidos, tal e como de seguido se transcribe:

“ **Primeiro.** Establecer o réxime de dedicación exclusiva para o desempeño dos seguintes cargos:

1. Alcalde/sa-Presidente/a.
2. Concelleiro/a Delegado/a de Obras, Servizos e Medio Ambiente.
3. Concelleiro/a Delegado/a de Facenda e Promoción Económica.

Segundo.- Aprobar o réxime retributivo dos seguintes cargos:

Cargos	Importe bruto anual (12 mensualidades)	Importe bruto mensual	Grao de dedicación
Alcalde/sa Presidente/a	35.400,00 €	2.950,00 €	Dedicación exclusiva
Concelleiro/a Delegado/a de Obras, Servizos e Medio Ambiente.	22.800,00 €	1.900,00 €	Dedicación exclusiva
Concelleiro/a Delegado/a de Facenda e Promoción Económica.	22.800,00 €	1.900,00 €	Dedicación exclusiva

Exclúense destes importes os trienios aos que no seu caso teñan dereito por atoparse en situación de servizos especiais.

As retribucións percibiranse en doce mensualidades de igual contía.

O/A Alcalde/sa percibirá as retribucións establecidas con efectos do día en que se acepte o réxime de dedicación, data na que se dará de alta na Seguridade Social.

O/A Concelleiro/a Delegado de Facenda e Promoción Económica, percibirá as retribucións establecidas con efectos do día en que se acepte o réxime de dedicación, data na que se dará de alta na Seguridade Social.

O/A Concelleiro/a Delegado de Obras, Servizos e Medioambiente, percibirá as retribucións establecidas con efectos do día en que se acepte o réxime de dedicación, data na que se dará de alta na Seguridade Social.

As contías asignadas como retribucións por adicacións exclusivas experimentarán o incremento que as Lei de Orzamentos Xerais do Estado establezan para o sistema retributivo do persoal ao servizo da Administración.

Terceiro.- Aprobar os importes correspondentes por asistencia ás sesións do Pleno, Xunta de Goberno e as Comisións Informativas de que formen parte e a Xunta de Voceiros.

Os concelleiros/as da Corporación que non desempeñen cargos en réxime de dedicación exclusiva percibirán, pola concorrencia efectiva ás sesións dos órganos colexiados dos que formen parte, que se expresan en termos brutos e sobre os que se deberán realizar os descontos oportunos, as indemnizacións por asistencias que se indican seguidamente:

Sesións ordinarias do Pleno: 150€/sesión.

A estes efectos non se computarán nin abonaran máis de 12 sesións ordinarias por exercicio económico.

Sesións extraordinarias do Pleno: 100€/sesión.

A estes efectos non se computarán nin abonaran máis de 3 sesións extraordinarias por exercicio económico.

Sesións ordinarias e extraordinarias da Xunta de Goberno Local: 150€/sesión.

A estes efectos non se computarán nin abonaran máis de 24 sesións ordinarias por exercicio económico. Non se computarán nin aboaran as sesións extraordinarias da Xunta de Goberno Local.

Sesións ordinarias das Comisións Informativas

- Presidente/a da Comisión Informativa:100 €/sesión.
- Resto de integrantes da Comisión Informativa:80 €/sesión.

A estes efectos non se computarán nin abonaran máis de 22 sesións ordinarias por exercicio económico, para cada unha das Comisións Informativas Permanentes. A Comisión de Facenda e Promoción Económica cando actúe como Comisión Especial de Contas aos efectos do previsto no artigo 212 do Real Decreto Legislativo 2/2004 , do 5 marzo, terá un tope de 2 sesións por exercicio económico.

Sesións extraordinarias das Comisións Informativas: 50€/sesión.

A estes efectos non se computarán nin abonaran máis de 3 sesións extraordinarias por cada unha das Comisións Informativas e por exercicio económico.

Xunta de Voceiros: 80€/sesión.

A estes efectos non se computarán nin abonaran máis de 12 sesións ordinarias por exercicio económico. Aos efectos do cálculo do número de sesións, éste farase por grupo municipal é exercicio económico.

Aos efectos de xustificar o dereito ao cobro das indemnizacións, por asistencias ás sesión do Pleno, Xunta de Goberno, Comisións e Xunta de Voceiros, polos membros da corporación, por parte do Secretario do órgano Colexiado emitirase un certificado por cada sesión celebrada no que deberase acreditar a asistencia ou non ás mesmas. Non se terán en conta nin se aboaran as sesións constitutivas de cada un dos órganos colexiados da Corporación, por non ter o carácter de sesión ordinaria nin extraordinaria.

Cuarto.-Os membros da Corporación terán dereito a ser indemnizados mediante dietas polo importe establecido para o Grupo I no Real Decreto 462/2002, de 24 de maio.

No referente aos gastos de locomoción será de aplicación o disposto no R.D. 462/2002, de 24 de maio.

Quinto.- A asignación aos grupos políticos municipais e os requisitos que deben cumprir as mesmas serán as establecidas nas Bases de Execución do Orzamento (nº 71),e que son as seguintes:

- O compoñente fixo é de 1.000 €/ano por grupo político.
- O compoñente variable é de 600€/ano por concelleiro.

Requisitos:

As citadas dotacións cumprirán os seguintes requisitos :

- Non poderán destinarse o pago de remuneracións de persoal de calquera tipo o servizo da Corporación ou a adquisición de bens que podan constituír activos fixos de carácter patrimonial tal e como establece a LBRL.
- Se ingresarán en conta aberta a nome dos Grupos Políticos no banco ou Caixa que sinalen.
- A xustificación deberá efectuarse mediante declaración xurada do voceiro de cada un deles de ter destinado o importe percibido aos fins para os que se concedeu.
- Poderase efectuar no primeiro semestre do exercicio, o pago do 50% da dotación económica total asignada a cada grupo político, contra xustificante expedido polo Portavoz do Grupo, no que se fará constar de forma expresa o número de Concelleiros en exercicio adscritos o Grupo e a declaración de cumprimento do previsto no apartado a) . No seu caso, poderá solicitarse informe de Intervención acerca do cumprimento das normas que rexen estas dotacións.
- A aportación terá carácter incondicional, agás o establecido no apartado a) , polo que non será necesario xustificalo destino dado aos fondos percibidos, sen perxuício da necesidade de levar unha contabilidade específica da dotación que perciban e conservar os correspondentes xustificantes , que porán a disposición do Pleno da Corporación sempre que este llo pida.

Séxto.- Entrada en Vigor

O presente acordo, no relativo ás dedicacións, as asistencias e as dietas, será de aplicación a partir da aprobación polo Pleno da Corporación, sen perxuício da súa publicación no B.O.P, na páxina web municipal (de acordo co establecido no art.32 do ROM) e no taboleiro de edictos do Concello, en cumprimento do artigo 75.5 da Lei 7/1985, de 2 de abril, Reguladora das Bases de Réxime Local.”

Asinado dixitalmente polo sr. Alcalde,
D. Juan Domingo de Deus Fonticoba,
en data 7 de setembro de 2023.